

Cuntas Leithreasa 2024

Vóta 15

An tSeirbhís Rúnda

An Réamhrá

Mar Oifigeach Cuntasaíochta do Vóta 15, ceanglaítear orman cuntas leithreasa don Vóta a ullmhú gach bliain, agus é a chur faoi bhráid an Ard-Reachtaire Cuntas agus Ciste lena iniúchadh.

De réir an cheanglais sin sin, tá an cuntas atá faoi cheangal ullmhaithe agam maidir leis an méid a caitheadh sa bhliain dár chríoch an 31 Nollaig 2024 don tSeirbhís Rúnda.

Cuirtear an t-olltoradh caiteachais i gcomparáid leis na suimeanna a bhronn Dáil Éireann faoin Acht Leithreasa, 2024.

Dlítear barrachas €718,000 a ghéilleadh don Státchiste.

Is cuid den chuntas é ráiteas na mbeartas agus na bprionsabal cuntasaíochta agus nótaí 1 go 4.

Ráiteas na mbeartas agus na bprionsabal cuntasaíochta

Nuair a bhí an cuntas dá ullmhú, cuireadh i bhfeidhm na gnáthbheartais agus prionsabail chuntasaíochta a bhaineann le cuntas leithreasa a chur i dtoll a chéile, mar atá leagtha amach i gclár 20 de 2024 ón Roinn Caiteachas Phoiblí, Seachadta ar an bPlean Forbartha agus Athchóirithe. .

An ráiteas ar rialú inmheánach airgeadais

Tá comhshocruithe forordaithe i bhfeidhm leis an Roinn Dlí agus Cirt agus an Roinn Cosanta maidir le tarraingt anuas airgid ón tSeirbhís Rúnda agus ní mór do na háirí cuí deimhniú bliantúil a sholáthar maidir leis an gcaiteachas i rith na bliana chomh maith leis an mbarrachas a bhíonn ann ag deireadh na bliana.

Ar chúiseanna slándála, tá srianta i bhfeidhm maidir le hoibríochtaí agus eolas faoi na hidirbhearta aonair. Cuireann sé seo teorainn leis na gnáthrialuithe díreacha atá ar fáil dom mar Oifigeach Cuntasaíochta Vóta. Sna cúinsí sin, braithim ar ráitis deimhnithe bhliantúla sínithe ag na hAirí ar eisíodh airgead dóibh, atá bunaithe ar rialuithe oibríochtúla a chuir a Ranna i bhfeidhm.

David Moloney

Oifigeach Cuntasaíochta
An tSeirbhís Rúnda

11 Márta 2025

An tArd-Reachtair Cuntas agus Ciste Tuarascáil le cur faoi bhráid Dháil Éireann

Vóta 15 An tSeirbhís Rúnda

Tuairim maidir leis an gcuntas leithreasa

Rinne mé iniúchadh ar an gcuntas leithreasa do Vóta 15 ón tSeirbhís Rúnda don bhliain dar chríoch an 31 Nollaig 2024 faoi alt 3 d'Acht an Ard-Reachtair Cuntas agus Ciste (Leasú), 1993.

I mo thuairimse, maidir leis an gcuntas leithreasa

- cuirtear fáltas agus caiteachas Vóta 15 ón tSeirbhís Rúnda i láthair i gceart don bhliain dar chríoch an 31 Nollaig 2024, agus
- ullmhaíodh é san fhoirm a d'fhorordaigh an tAire Caiteachais Phoiblí, Seachadta ar an bPlean Forbartha Náisiúnta agus Athchóirithe.

Bonn na tuairime

Rinne mé m'iniúchadh ar an gcuntas leithreasa i gcomhréir leis na Caighdeáin Idirnáisiúnta Iniúcháireachta mar a d'fhógair an Eagraíocht Idirnáisiúnta Uasfhoras Iniúcháireachta. Déantar cur síos ar mo chuid freagrachtaí faoi na caighdeáin sin san aguisín a ghabhann leis an tuarascáil seo. Tá mé neamhspleách ar an Roinn Caiteachais Phoiblí, Seachadta ar an bPlean Forbartha Náisiúnta agus Athchóirithe agus chomhlíon mé mo chuid freagrachtaí eiticiúla eile i gcomhréir leis na caighdeáin.

Chun críocha an iniúchta seo, soláthraíodh deimhnithe dom ón Aire Dlí agus Cirt agus ón Aire Cosanta, is deimhnithe a thagann leis an gcaiteachas ón Vóta. Áiríodh leis an iniúchadh athbhreithniú ar rialuithe oibriúcháin ar an airgead a eisíodh ón Vóta.

Creidim gur leor agus gur cuí an fhianaise iniúcháireachta atá faighte agam chun bonn a sholáthar le mo thuairim.

Tuarascáil maidir leis an ráiteas ar rialú inmheánach airgeadais, agus ábhair eile

Chuir an tOifigeach Cuntasaíochta i láthair ráiteas ar rialú inmheánach airgeadais, i dteannta an chuntais leithreasa. Maidir le mo chuid freagrachtaí chun tuairisciú i ndáil leis an bhfaisnéis sa ráiteas, agus ar ábhair áirithe eile ar a dtuairiscím mar eisceacht, déantar cur síos orthu san aguisín a ghabhann leis an tuarascáil seo.

Níl aon rud le tuairisciú agam ina leith sin.

Seamus Mac Cárthaigh

An tArd-Reachtair Cuntas agus Ciste

20 Bealtaine 2025

Aguisín a ghabhann leis an tuarascáil ón Ard-Reachtaire Cuntas agus Ciste

Freagrachtaí an Oifigigh Cuntasaíochta

Tá an tOifigeach Cuntasaíochta freagrach as an méid seo a leanas

- an cuntas leithreasa a ullmhú i gcomhréir le halt 22 den Exchequer and Audit Departments Act, 1866
- a áirithiú go mbeidh an cuntas leithreasa i gcomhréir le ceanglais na *Nósanna Imeachta um Airgeadas Poiblí* ón Roinn Caiteachais Phoiblí, Seachadta ar an bPlean Forbartha Náisiúnta agus Athchóirithe, agus le hordacháin eile ón Caiteachais Phoiblí, Seachadta ar an bPlean Forbartha Náisiúnta agus Athchóirithe
- rialtacht na n-idirbheart a áirithiú, agus
- cibé rialú inmheánach a chur chun feidhme a chinneann an tOifigeach Cuntasaíochta a bheith riachtanach chun ullmhú an chuntais leithreasa a chumasú, saor ó mhíríteas ábhartha, cibé acu de dheasca calaoise nó earráide.

Freagrachtaí an Ard-Reachtaire Cuntas agus Ciste

Ceanglaítear orm faoi alt 3 d'Acht an Ard-Reachtaire Cuntas agus Ciste (Leasú), 1993 iniúchadh a dhéanamh ar an gcuntas leithreasa agus tuairisciú air sin do Dháil Éireann á rá cibé acu, i mo thuairimse, a chuirtear na fáiltais agus an caiteachas a bhaineann leis an vóta i láthair i gceart sa chuntas.

Is é an cuspóir atá agam agus an t-iniúchadh á dhéanamh dearbhú réasúnach a fháil maidir le cé acu atá nó nach bhfuil an cuntas leithreasa saor ó mhíríteas ábhartha de dheasca calaoise nó earráide. Tá dearbhú réasúnach ina ardleibhéal dearbhaithe, ach ní ráthaíocht atá ann go mbraithfear le hiniúchadh a dhéantar i gcomhréir leis na Caighdeáin Idirnáisiúnta Iniúcháireachta míráiteas ábhartha i gcónaí nuair is ann dó. Is féidir le míráitis eascairt as calaois nó earráid agus meastar go bhfuil siad ábhartha más rud é, , ar bhonn aonair nó ar an gcomhiomlán, go bhféadfaí a mheas le réasún go mbeadh tionchar acu ar chinntí eacnamaíocha úsáideoirí a dhéantar ar bhonn an chuntais leithreasa.

Mar chuid d'iniúchadh i gcomhréir leis na Caighdeáin Idirnáisiúnta Iniúcháireachta, feidhmím breithiúnas gairmiúil agus coinním sceipteachas gairmiúil ar feadh an iniúchta. Ar an dóigh sin,

- Sainithním na rioscaí a bhaineann le míráiteas ábhartha a thabhairt ar an gcuntas leithreasa, agus déanaim measúnú air sin, cibé acu de dheasca calaoise nó earráide; dearaim agus feidhmím nósanna imeachta iniúcháireachta atá freagrach do na rioscaí sin; agus faighim fianaise iniúcháireachta atá leordhóthanach agus iomchuí chun bonn a sholáthar le mo tuairim. Tá riosca níos mó ag baint le gan míráiteas ábhartha a thagann as calaois a bhrath ná ceann a thagann as earráid a bhrath, ós rud é gur féidir go mbeidh claonpháirteachas, brionnú, neamhghníomhartha intinneacha, mífhaisnéisí nó sárú ar rialú inmheánach i gceist le calaois.
- Faighim tuiscint ar rialú inmheánach atá ábhartha maidir leis an iniúchadh chun nósanna imeachta iniúcháireachta atá iomchuí sna himthosca a dhearadh, ach ní dhéanaim amhlaidh chun tuairim a léiriú ar éifeachtacht na rialuithe inmheánacha.
- Déanaim measúnú ar cé acu a comhlíonadh nó nár comhlíonadh forálacha cuntasaíochta na *Nósanna Imeachta um Airgeadas Poiblí* ón Roinn Caiteachais Phoiblí, Seachadta ar an bPlean Forbartha Náisiúnta agus Athchóirithe.

Aguisín a ghabhann leis an tuarascáil ón Ard-Reachtaire Cuntas agus Ciste (ar leanúint)

Déanaim cumarsáid leis an Oifigeach Cuntasaíochta i leith, i measc ábhair eile, raon feidhme agus uainiú beartaithe an iniúchta agus torthaí iniúchóireachta suntasacha, lena n-áirítear aon easnaimh shuntasacha sa rialú inmheánach a shainaithním le linn m'iniúchta.

Tuairiscím, mar eisceacht, más rud é, i mo thuairimse,

- Nach bhfuair mé an fhaisnéis agus na mínithe uile a d'éiligh mé le haghaidh m'iniúchta, nó
- nár leor na taifid chuntasaíochta chun gur féidir iniúchadh a dhéanamh go fonnmhar agus i gceart ar an gcuntas leithreasa, nó
- nach bhfuil an cuntas leithreasa ag teacht leis na taifid chuntasaíochta.

Tuairisciú ar an ráiteas ar rialú inmheánach airgeadais

Le mo thuairim ar an gcuntas leithreasa, ní chlúdaítear ráiteas an Oifigigh Cuntasaíochta maidir le rialú inmheánach airgeadais, ná ní chuirim in iúl aon chineál conclúide dearbhaithe maidir leis sin.

I dtaca le m'iniúchadh ar an gcuntas leithreasa, ceanglaítear orm faoi na Caighdeáin Idirnáisiúnta Iniúchóireachta an ráiteas ar rialú inmheánach airgeadais a léamh agus, ar an dóigh sin, breithniú a dhéanamh ar cé acu atá an fhaisnéis atá ann ar neamhréir ábhartha leis an gcuntas leithreasa nó leis an eolas a fhaightear ann le linn an iniúchta, nó más cosúil gur tugadh míráiteas ábhartha ina leith. Más rud é, bunaithe ar an obair atá déanta agam, go dtagaim ar an gconclúid go bhfuil míráiteas ábhartha ann, ceanglaítear orm an fóras sin a thuairisciú.

Tuairisciú ar ábhair eile

Féachaim le fianaise eile a fháil faoi rialtacht idirbheart airgeadais le linn an iniúchta. Ceanglaítear orm a thuairisciú, faoi alt 3 den Acht um Ard-Reachtaire Cuntas agus Ciste (Leasú), 1993, má shainaithním aon chás ábhartha inarb amhlaidh nár cuireadh airgead poiblí i bhfeidhm chun na gcríoch atá beartaithe nó inarb amhlaidh nach raibh idirbhearta i gcomhréir leis na húdaráis a rialaíonn iad.

Ceanglaítear orm freisin, faoi Acht 1993, tuarascáil a ullmhú gach bliain ar cibé ábhair a eascraíonn as mo chuid iniúchtaí ar na cuntais leithreasa a mheasaim a bheith iomchuí. Sna cásanna sin, leis na tuarascálacha iniúchóireachta ar na cuntais leithreasa ábhartha tagraítear don chaibidil nó do na caibidlí ábhartha i mo *Thuarascáil bliantúil ar Chuntais na Seirbhísí Poiblí*.

Vóta 15 An tSeirbhís Rúnda

Cuntas Leithreasa 2024			
		2024	2023
	Soláthar sna meastacháin	Toradh	Toradh
	€000	€000	€000
Caiteachas an chláir			
A An tSeirbhís Rúnda	2,000	1,282	1,407
Ollchaiteachas	2,000	1,282	1,407
Glanchaiteachas	2,000	1,282	1,407

Barrachas

Tá barrachas an mhéid a soláthraíodh le hais an ghlanmhéid a chuirtear i bhfeidhm faoi dhliteanas i leith géilleadh don Státchiste.

	2024	2023
	€	€
Barrachas le géilleadh	717,712	593,259

David Moloney
Oifigeach Cuntasaíochta
An tSeirbhís Rúnda

11 Márta 2025

Nótaí a ghabhann leis an gCuntas Leithreasa

Nóta 1 An Ráiteas ar Chostas Oibríochta 2024

Níl feidhm ag an nóta sin i gcás Vóta na Seirbhíse Rúnda.

Nóta 2 An Ráiteas ar Staid an Airgeadais amhail an 31 Nollaig 2024

	Nóta	2024	2023
		€000	€000
Sócmhainní reatha			
larmhéideanna fochuntais		618	500
larmhéid PMG		—	277
		618	777
<i>Lúide</i>			
Liteanais reatha			
Glanmhaoiniú an Stáitchiste	2.1	618	777
		618	777
Glansócmhainní reatha		—	—
Glansócmhainní		—	—
Arna léiriú ag:			
Cuntas maoinithe an Stáit	2.2	—	—

2.1 Glanmhaoiniú an Stáitchiste

amhail an 31 Nollaig	2024	2023
	€000	€000
Barrachas le géilleadh	718	593
Deontas ón Stáitchiste neamhtharraingthe	(100)	184
Glanmhaoiniú an Stáitchiste	618	777
Arna léiriú ag:		
Féichiúnaithe		
larmhéid fochuntais	618	500
larmhéid PMG	—	277
	618	777

2.2 Cuntas maoinithe an Stáit

		Nóta	2024	2023
			€000	€000
Iarmhéid an 1 Eanáir			—	—
Eisíocaíochtaí ón Vóta				
Soláthar sna meastacháin	Cuntas	2,000		
Barrachas le géilleadh	Cuntas	(718)		
Glanvóta			1,282	1,407
Glanchostas an chláir			(1,282)	(1,407)
Iarmhéid amhail an 31 Nollaig			—	—

Nóta 3 Caiteachas an Vóta

Bhí an t-olltoradh caiteachais cothrom le méid €718,000 (36%) níos ísle ná an méid a soláthraíodh. Is gá don mheastachán a bheith tuairimeach.

Nóta 4 Tuarastal an Oifigigh Cuntasaíochta

Is é an tOifigeach Cuntasaíochta do Vóta 15 na Seirbhíse Rúnda an tOifigeach Cuntasaíochta do Vóta 11 Oifig an Aire um Chaiteachas Poiblí, Seachadadh an Phlean Forbartha Náisiúnta agus Athchóiriú freisin. Nochtar a leibhéal tuarastail sa chuntas leithreasa do Vóta 11.